

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaata allanngortinneqarneranik Inatsisartut inatsisissaattut siunnersuut

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Saqqummiussissut

Siullermeerinnineq

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaannik allannguutissatut siunnersuut matumuuna Naalakkersuisut sinnerlugit saqqummiuppara.

Siunnersuummi ilaatigut anguniarneqarpoq inuussutissarsiutinik ilinniartitsinerup inatsiseqartitsinikkut ersarissumik inatsisitigut tunngavissinnissaat Kalaallit Nunaanni inuussutissarsiutinik qitiusumillu ilinniartitsinerit tiguisinnaasaat ilinniartitsinerup atorluarnerunissaat anguniarlugu, taamaalilluni ilinniartitsinerit inuussutissarsiutinik ilinniarnernut atatillugu Akuerisaasumik inuussutissalerinermik sammiveqartumik ilinniartitsinerup aamma tassunga misilitsinerit ingerlannerannut suliarinnittussarsiuussinnaassallugit. Tassunga atatillugu oqaatigineqassaaq ilinniartitsinerit namminneq ujartuinerisigut taakku suliniutaammata.

Siunnersuummi aamma anguniarneqarpoq Kalaallit Nunaanni ilinniartitsinerit allanit neqeroorutaanngitsunik ilinniakkat ingerlariaqqiffiusut ilaannik inuussutissarsiutinik ilinniartitsinerit qitiusumillu ilinniartitsinerit neqeroorutaasinnaannissaannut inatsisitigut tunngavissap erseqqissarnissaa, soorlutaaq atuarfimmi sulilluni sungiusarneq suliffeqarfimmi sulilluni sungiusarnermut allamik sussaqqannginnermut taartaanissaata siunnersuummi erseqqissarnissaa.

Siunnersuummi aamma siunertarineqarpoq inuussutissarsiutinik ilinniartitsinerit qullersai qaquguk-kulluunniit ilinniartitsinerit tiguisussaaneersuunissaannut ikorfartuissalluni, tassani siunertarineqarluni piginnaasanik paasisimasaqarnissaat pillugu qulakkeerqarnissaat, ilinniartitsinerit atasiakkaanut naapertorlugit sulisussarsiorneri malillugit.

Lærlingevarnermi isumaqatigiisummi imaluunniit ilinniartitsineri isumaqatigiisummi sungiusarluni sulinerit tamakkerlugit allanneqarsinnaanngikkaangata qanoq iliortoqartarnissaa siunnersuutikkut aamma anguniarneqarpoq. Pingaartumik qitiusumik ilinniartitsinerit aalajangersimasumik sivilisussusilimmik ilinniartitsinerit, ilinniartup suliffimmi sungiusarfissaqanngippat ilinniartitsinerit sulilluni sungiusarnissaannut ilinniartitsinerit qulakkeerqarsinnaalluni.

Siunnersuummi ilinniartut atuarfimmi sulinermik sungiusartut lærlingeqarnermik isumaqatigiissummut ilaatinneqanngitsut tamanna ilinniarnernanut sumut killinnersut paasinissaat aamma siunertarineqarpoq.

Taakku saniatigut malittarisassaq peerneqartussatut siunnersuutaasoq tassaavoq inuit aalajangersimasumik qaffasissusilimmik ilinniarsimasut ilinniarnertik piinnarlugu inuussutissarsiu-tinik ilinniakkami iluanni pikkorissarnissamat atatillugu angalanerminnut unnuinermullu matussusiissutaasussaasunik tapiiffigineqarsinnaannginnerisa atorunnaarsinnissaa. Tamanna peq-quteqarpoq nalilerneqarmat aalajangersagaq atuuttoq inunntu suliaasaqarfimmini pikkorissaqikkusuttunut pisariaqanngitsumik aporfilersuisuusoq.

Naggataagulli inatsisissatut siunnersuut Oqaatsinik Pikkorissarfik pillugu Inatsisartut inatsisaannik atorunnaarsitsinermut aalajangersakkamik ilaqarpoq. Tamatumunnga peqqutaavoq Oqaatsinik Pikkorissarfik maanna pikkorissarfiinnaammat qitiusumillu allaffeqarfiup ataaniil-luni. Apeqqut aamma Oqaatsinik Pikkorissarfiup siulersuisuinit oqallisigineqarsimavoq, taak-kulu atorunnaarnissaa inassutigisimallugu, tassami Oqaatsinik Pikkorissarfiup ilinniarfittut taaguutaa suliassanillu isumaginninnera immikkut tassunga inatsisiliornikkut tunngavissiin-gimmat.

Matumuuna siunnersuut ukuninnga oqaasertalerlugu Inatsisartunut akuerisassanngorlugu sularisassanngorlugu tunniuppara.